



Qeqqata Kommunia

2023-mut ukiumut pilersaarusiaq



2022-vimilu nalunaarusiq

Meeraateqarfik "Paarsi"

Annertusoq aqq. B-1056

Postbox 170

3912 Maniitsoq.

Email: paarsimaniitsoq@qeqqata.gl

TLF: allaffik 813530

Meeqqeriviup pisortaa: Mette Rosing Petersen.

Tullersorti: Amalie Rosing



IMARISAA

IMARISAA	2
Meeqqeriviit ukiumut pilersaarusiaannut piumasaqaatit	3
1. Perorsaaanermi ukiumoortumik pilersaarut:	4
1.1 Meeqqeriviup ilisaritinnera	4
1.2 Meeqqeriviup anguniagai naleqartitatullu tunngavii.....	11
1.3 Perorsaaanermi anguniakkat	11
1.4 Meeqqat pisariaqartitaat.....	11
1.5 Meeqqerivimmi kulturimut perorsaanermilu najoqqutassat	14
2. Ukiumoortumik pilersaarutaanikup nalilersorneqarnera	17
2.1 Meeqqat.....	17
2.2 Angajoqqaat/pisortat	18
2.3 Sulisut	18
3. Ukiumut nutaamut pilersaarutit	19
3.1 Meeqqanut ileqqunik sammisassanillu ukiumut pilersaarut.....	19
3.2 Angajoqqaanik suleqateqarneq	23
3.3 Sulisut suleqatigiinnerat.....	23
3.4 Ukiuni aggersuni suliniuteqarfissat	24



Meeqqeriviit ukiumut pilersaarusiaannut piumasaqaatit

Meeqqanut suli atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaat nr. 16, 3. december 2012-meersoq naapertorlugu meeqqeriviit ukiumoortumik pilersaarusiortarnissaat piumasaqaataavoq (takuuk §5, imm. 2,2). Ukiumut pilersaarusiamik suliaqarnissamut meeqqerivinni ataasiakkaani pisortat akisussaasuupput (takuuk § 16 imm. 2).

Ukiumoortumik pilersaarusiortermermi atuisut ataatsimoorfiat tassa, pilersuisut sulisullu peqataatinneqassapput (jf §21, stk 2,2).

Ukiumoortumik pilersaarusiami meeqqeriviup anguniagai, taamatullu ukiumi nutaami meeqqanik nakkutiginninnerup, sammisaqartitsinerit pilersaarutillu naliliivigineqarneri ilaatigut saqqummiunneqassallutik.

Ukiumoortumik pilersaarusiaq kingusinnerpaamik novembarip 30-ani llinniartitaanermut immikkoortortamut nassiunneqassaaq.



1. Perorsaaanermi ukiumoortumik pilersaarut:

1.1 Meeqqueriviup ilisaritinnera

Paasissutissat nalinginnaasut

- *Ateq*

Meeqquerivik "Paarsi"

- *Najugaqarfik*

Annertusoq B-1056 postbox 170 3912 Maniitsoq.
GLN: 5790002419836.

- *Attaveqarfissat pillugit paasissutissat*

E-mail: paarsimaniitsoq@qeqqata.gl

TLF: allaffik 813530.

Niviukkat: 817141.

Pakkalukkat: 817142.

Qilalukkat: 817143.

Inersuaq: 817144.

- *Ammasarfiit*

Ullut ammasarfii, ataasinngornermiit tallimanngornermut, arfininngorneq sapaallu matoqqasarpoq

6:45 ammartarpoq.

17:00 matusarpoq

- *Inissisimaffia*

Paarsi inissisimavoq Maniitsup kangiataungaani illoqarfiup isungajaani, inissiat blokket avanna tungaaniipput aammalu kangiataungaani illutik akiatungaani bussinut unittarfeqarpoq, silataatungaani pinnguarterfeqarpoq, ataatungaani lu sivingasumik ungalusaqarpoq immamut qanittumik (Naturlegeplads) Paarsip eqqaani illuaraqarpoq taanna qamutaasivittut atornerarluni

- *Oqaluttuassartaa, pisoqaassusaa*

Paarsi atulerpoq 14. maj 1990.

Paarsi-mik ateqarnissaanik siunnersuuteqarsimavoq Hansiinaaraq Heilmann atsiinermut tunngaviusimavoq Meeraateqarfimmi meeqqat paarineqartarmata tulluartautilugu Paarsimik ateqassappat



- Assit

Paarsi maniitsup kanga tungaaniippoq, blokkit isorliit tikinngilaarlugit



Paarsi-p saavtungaa, sanianiippoq qamutaasivik



Paarsi tunuatungaa sanimut naallugu Solcellenik ikkussisoqarnikuuvoq



Paarsip eqqaani pinnguarfeqarpoq



Immamut isikkivigissumiippoq



Aamalu paarsip ataatungaani Pinnguartarfeqarpoq sivingasoq (Naturlegeplads)



Paarsip ataaniittoq pinnguartarfik immamut qanittuuvog



▪ *Allat*

Qaliani pequusiveqarpoq, ataatungaaniilu init arlaqarput ukununnga atorpeqartut, ini nipilersortarfik, qamutinut toqqorsivik, fyrrerum, pequusivik, silaannarissarfinnut aqutsisoqarfik.

Inissaqartitsineq atortussallu

Immikkoortortat (soorlu: immikkoortortap atia, ukioqatigiaat, inissaqartitsineq, meeqqat amerlassusii)

Ini "Niviukkat"-ni meeqqat 0-3-nik ukiullit. 12-it

Atisaajartarfik.

Ini ataannartuuvog nerisarfik assassortarfik pinnguartarfillu.



Nangilersuisarfik errortortarfillu.




Sinittarfik

Ini "Pakkalukkat"-ni meeqqat 0-3-nik ukiullit. 12-it

Meeqqat atisaajartarfiat.

Ini ataannartuuvoq nerisarfik assassortak pinnguarterfik.



Nangilersuisarfik errortortarfillu. Sinittarfik.



Ini "Qilalukkat"-ni meeqqat 3-5 -nik ukiullit. 20-it.

Meeqqat atisaajartarfiat.

Ini ataannartuuvoq nerisarfik assassortak pinnguarterfillu.





Perusuersartarfik ,errortortarfillu.

Sinittarfik.



- *Sulisut (soorlu: atorfiit, amerlassutsit, ilaatigut ilinniarsimanermut tunuliaqutaq, taartaasartut)*

Sulisussaataasut amerlassusaat 11.

Illummi aqutsisoq 1.

Pædagogit 3.

Socialhjælperit 3.

Ikiortit 3.

Asaasoq 1.

Vikarkops 1.

- *Atortussat*

Solceller.

Atisanut errorsivik + panersiivik.Støvsuger.

Inersuarmi: Smarttv.

Igaffimmi: Erruivik. Kissarsuut (Ovn).Micro-ovn.Køleskab + Fryser.Naqittaavik. Kaffe-liuut + kissartuliut.

Igaffik:

Inini: Nangilersuiviit qullartartut. Atisanut panersiiviit.Ipad.Luft-reenser.

Allaffimmi: Computer.

Pausertarfimmi: Bærbar. Printer.

Illu tamaat :Silaannarissarfiit supoortut.


Sulisut perusuersartarfii marluk.

Qulliit namminneq ikittartut,Wc-kuutsiartut,errortartarfiit,meeqqanut siniffiit ilaa.ilanng..

Sammissassanut atortussanik peqartuarnissaq eqqarsaatigalugu pisiniartarpugut taamatullu allatsissisarluta,sapinngisamik pigeriikkagut siulliullugit atortarpagut aammalu nunatta pissarititaanik sammisaqartitsinernut atortussanik illoqarfiup iluanut aallertarpugut soorlu Ujaqqat,naasut,orpikkat ilaa,ilanng.



Inersuaq ataatsimoorfiusartog:



Igaffik:




Kaangersuaq ininut tamanut ataannartog:



Allaffik:



Sulisut pausertarfiat:



Sulisut perusuersartarfii marluk:



Allat

pisariaqartitsisoqartillugulu tapersersorteqartarpoq. ukiup ingerlaanerani ilinniartoqartarpugut Socialhjælperinngorniartut, meeqqat atuarianniit, efterskole-miit suliffimmik misiliisoqartarpoq, aammalu majoriamiit suliffimmik piukkunarsartut taammatullu inuiaqatigiinni immikkut sulisitat tigummisarlutigit.



1.2 Meeqqeriviup anguniagai naleqartitatullu tunngavii

- *Meeqqeriviup anguniagai naatsumik nassuiarneqassapput*

Ukiup qanoq ilinera najoqqutaralugu sammisaqartitsisarneq.

Meeraq imminut naleqartittoq, meeqqap paasissagaa inuttut ataasiakkaatut piginnaasatigut tapersorsorneqassalluni ilikkarusussusermik piumasusermik sapiissusermik tunuarsimaanninnermik takutitsisinnassusermik misilittagaqarususermillu periarfissinneqassalluni.

- *Meeqqeriviup naleqartitai naatsumik nassuiarneqassapput*

Meeqqap ineriartornerani ilikkagassaq tullinnguuttoq aallavigalugu ingerlariaaseq pingaartipparput.

Perorsaanikkut sulisut angajoqqaallu akornanni suleqatigiilluarnissaq pingaartipparput.

Sammisaqartitsinissamik pilersaarusiortuarnissaq pingaatipparput.

Sunik tamanik suleqatigiilluarnissamik anguniagaqartuarnissaq pingaartipparput.

Sulisut pisariaqartitaminnik (Sakkussaminnik) pikkorissartuarnissaat

pingaartipparput, taamatullu sulisut ineriartortuarnissaat pingaatitaraarput.

1.3 Perorsaanermi anguniakkat

- *Meeqqeriviup perorsaanikkut anguniagai nassuiarneqassapput*

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaat nr. 16, 3. december 2012-meersoq aallaavigalugu.

Anguniakkat "Qeqqata Kommuniani ataatsimut anguniagassat"-ni allaqqasut anguniagaapput.

- *Perorsaanikkut periutsit sakkussallu suut atorineqarpat?*

T1-7 Lev s.Vygotsky-meersut.

Maslows behovspyramide Abraham Maslow-meersut.

De mange intelligenser Howard Gardner-meersut.

Taamaalilluta anguniakkat paatsuunganangitsumik toqqammaveqartumillu meeqqat

toqqissisimallutik, piffissaqarfigineqarlutik, meeqqat imminnut tatiginninnerat

nammineersinnanerallu nukittorsarnerat ingerlassinnaanngorlugu, aammalu atuakkanik

atorniartarfimmut sakkusaanik atorniartoqartarpoq taamatullu google-mi

misissuisoqartarluni.

1.4 Meeqqat pisariaqartitaat



- *Meeqqap pisariaqartitai, pissusaa, ineriartornera killiffialu*
 - *Tamanna qanoq allatorneqassava?*

Ukioq affaakkaarlugu meeqqap ineriartornera, pissusilersorneralu aallaavigalugit angajoqqaat oqaloqatigineqartarput.

Ulluinnarni meeqqap pissusilersuutaanik allannortoqartillugu, piaartumik angajoqqaajusut oqaloqatiginiarneqartarput.

- *Allannerani sakkussat suut atorneqassappat?*

Meeqqap mappia.

Meeqqap ineriartornerani killiffissiuutit (Pædagogisk udviklingsbeskrivelse 0-6 år).

Meeqqap ineriartornermini inissisimaffianut misissuut MIIM 3.

Pisariaqassappallu meeqqap ineriartornerani 2-miit 6-inut ukiulinnut (Rabu).

Aammalu (Tras) ulluinnarni inooqataanermi oqaatsitigut ineriartornerup piaartumik nalunaarsornera.

Meeqqap atugaanik uuttuut / Trivselsbarometer / Iluliaq

Isumaalunnermut uuttuut Qorsuk-Sungaartoq-Aappalaartoq, qaammatit tamaasa nalunaarsorneqartarlutik.

- *Angajoqqaanut/pisortanut ingerlatsitseqqiineq attaveqarnerlu qanoq ingerlasarpa?*

Illoqarfimmi meeqqeriveqarfiup allaffiani pisorta q meeqqeriveqarfinilu Pisortat tullersortillu qaammatit tamaasa ataatsimeeqatigiittarpugut.

Allakkatigut aggersaaneq pisarpoq aammalu Email atorneqartarsinnaasarpog taamatullu oqarasuat atorneqartarluni.

Meeqqap ineriartornera, pissusilersorneralu aallaavigalugit angajoqqaat

oqaloqatigineqartarput, pisariaqalissappallu illup silataanut ikiortissarsiorneq

pisinnaasarpog angajoqqaajusulli aperineqaaqartarput atsiugassamillu atsiorlutik, taava meeraq ikiorniarlugu susassaqtartut ataatsimeeqatigineqartarput:

Meeraq aallaavigalugu aaqqiiniartoqartarpoq pilersarusiortoqartarlunilu ataani allaqqasut peqatigalugit.

- Angajaqqaat.
- Meeqquerivimmi inimi sulisoq.
- Meeqqueriviup aqutsisua.
- Meeqqeriveqarfiit allaffianiit.
- Peqqinnissaqarfik.
- Atugarissaanermi immikkoortortaqarfik.
- Misi.
- Suliaq sunaanersog, apeqqutaalluni Politiit ilanngunneqarsinnaallutik.
- Pisariaqassappallu familiecenter.

- *Meeqqat inuttut ataasiakkaatut qanoq ilanngunneqassappat?*

Meeqqap iseqqaarneraniit sulisut angajoqqaallu paasissutissanik pingaarutilinnik avitseqatigiiffigisarpaat.

Kingorna ukiop affaakkaarlugit oqaloqatigiinnerit pisarlutik

- *Ataatsimoornermik qanoq pilersitsisoqarsinnaava?*

Illu tamarmi ammasarpog tallimannornerit tamaasa 9:45-10:45 sulisut meeqqallu tamarmik ataatsimoorfigisarpaat.

- *Meeqqat immikkut pisariaqartitsisut qanoq tapersorneqarsinnaappat?*

Meeqqap Killiffia aallaavigalugu sammisartitsinikkut aammalu sulisumik tapersorsorteqartitsinikkut.



- *Angajoqqaat tapersortariallit qanoq ikiorneqarsinnaappat?*

-

Saaffiginnissutaat aallaavigalugu suleqatigisarpagut, maanili aqqissinnaanngisaqartilluta, innersuussisinnaasarpugut saaffiginniffigisinnaassaannik soorlu Misi aammalu familiecenter taamatullu nappaatinut tunngasut pineqartillugit peqqinnissaqarfik innersuuttarparput.

- *Allat*



1.5 Meeqqerivimmi kulturimut perorsaанermilu najoqqutassat

Meeqqeriviup kulturia ilisarnaataalu

Meeqqeriviup kulturia nassuiarneqassaaq

Ullaakkut sulisut meeqqallu isertut inersuarми атаатсимооққартарпут 08:00 tungaanut.

Ullaakkut атаатсимооернеруп kingorna iniminnut utereernerminni 09:00

ullorsiutilerisarput.

Sila qanoq ikkaluaraangalluunniit aneerneq atorneqartarpoq.

Orpiliartarneq Juullip kingorna pisarpoq meeqqat sulisullu

peqatigiillutik, sisorarfissionermi silami sisoqqanneq.

kalaalimineerniarfimmu

alakkarterineq, illoqarfimmi pisoqarnerani peqataaneq, pinngortitamik nunattalu

uumasuunik, naasuinillu ilinniarneq.

Tallimanngornerit taamaasa illu, init tamarmik ammasarput 9:45-10:45.

Tassani siunertaalluni allanik peqateqarsinnaanerup-attaveqaqatigiinnerlu

nukittorsaaffigineqarneri.

Meeqqeriviup ilisarnaatai nassuiarneqassapput

Illup iluata initai nerutuppup, inersuaqarluni атаатсимоорfigineqartartumik, Kælderimilu init

arlarqarput assingiingitsunut atorneqarlutik, taakkua ilaat атаaseq nipilersortarfittut

atorneqartarluni, aammalu peqqumaasiveqarluni.

Paarsip eqqaani illuaraqarpoq taanna atuisunut qamutaasigivaat aammalu illumut

atasumik meeqqerivik qamutaasiveqarpoq

Avatangiisigissaarpoq imaanut isikkiveqarluni, silami pinnguartarfeqarpoq, атаатунгаанилу

sivingasumik ungalusimasoqarpoq sissamullut qanittumik (Naturlegerplads).

Paarsip ilisarnaatigaa meeraaqqerivimmiilli inuittat erinarsuuterput "Nunarput

utoqqarsuanngoravit" versit marluk ilinniartarmassuk atortarlugulu.

Perorsaанikkut najoqqutassat / malittarisassat

Meeqqeriviup najoqqutassiai malittarisassaalu nassuiakkit, soorlu assersuutigalugu:

- Ulluinnarni/sapaatip akunnerini periutsit

Init tamarmik sapaatip akunneranut sammisassanik pilersarusiortarput, init silataanni

allagarsiivimminnut takussutissanik ilisisarput.

- Meeqqerivimmukaassisarneq aallertarnerlu pillugit malittarisassat

Pissuteqarlutik kingusinaarniartut 9:00 nallertinnagu nalunaartarput.

Taamaattorli meeqqat tamarmik kingusinaarunneqaraluarpataluunniit

tiguneqartussaapput.

Kingusinaakulanerulernermi suna tunngaviunersoq angajoqqaallu

oqaloqatigiissutigineqartarpoq, aqqiiniaqatigiinneq pisarluni.

Meeraq allanik aaneqassatillugu angajoqqaajusut nalunaaruteqartarput kia aassaneraa.

Meeqqat aallertut 12-nik ukioqalereersimanissaat kissatigineqartarpoq.



Putumasut allanillu sunnertisimasut meeqqanik aalleqqusaanngillat, taamaattoqassagaluarpugut, atugarissaarnermut immikkoortorta qarfirmut nalunaarutigineqassapput

- *Nerinssamut piffissat nerisassallu*

Nerisassanik avataaniit pajuttittarpugut ullup qeqqasiutissat ualikkorsiutissallu. Peqqinnartunik nerisaqarnissaat isumagineqartarpoq nerisaqarnermut innersuussutit 10 malinneqartarput aammalu allanngorartumik nerisaqarnissaat.

Aamma meeqqat sapigaqartut nerisassaat isumagisarpaat.

Ullaakkut angerlarsimaffimmi nerinngitsoorsimasoqarpat ullaakkorsiortitsitneq nal. 8:00 taamaattarpoq.

08:30 Kaannaveeqqutinik tamussertinneqartarput.

Nal. 11:00 Ullup qeqqasiorneq. Nerisassanik sassaalliinerit, igaartorfiit marlunngorneq, sisamannorneq. Iffiartorfiit ataasingorneq, pingasunngorneq tallimannongerlu.

Nal. 13:30 Ualikkorsiorneq.

16:00 kingorna kaannaveeqqutinik tamussertarput. Iggisigisarpaat imeq immullu.

Meeqqat imerusunnertik najoqqutaralugu imermik imertarput.

- *Sininnissamut qasuersaarnissamullu piffissat*

Meeraaqqerivittaani meeraaqqat ukiukitsut ilaat ullormut marloriarlutik sinittarput, anginerumaanngortut nerereernerup kingorna sinittarput, iikkamut nivingasumut allanneqartarput sinilerfii iterfiilu aamma ilannguttarpaat nerisimaneri qanoq annertutiginersut taammatullu ullormut anarsimaneri, taamaasillutik sulisunik, angajoqqaaniillu malinnaaffigilluarneqartarlutik.

Meeqqerivittaani nerereernerup kingorna meeqqat ilaat pisariaqartitsinertik naapertorlugu sinittarput.

- *Aneernissanut piffissat*

Ajornartinnagu aneerussineq atorluarniarneqartarpoq.

Meeraaqqerivittaani ullaap tungaani sininngitsut aneerunneqartarput.

Meeqqerivittaani ullaap tungaani sinittartut aneertarput, sininneq ajortut nerereernerup kingorna pinnguarterfimmi aneertarput.

- *Meeqqanik meeqqerivinniilertussanik nutaanik nalunaaruteqartarneq*

Meeqqeriviup allaffianinngaaniit nalunaarfigineqartarpugut meeqqamik isertussaqaaleraangat, nalunaarfigineqarnerput aallarnerfigalugu ini sorlermiissanersaq aqqittarparput, angajoqqaajusut paasiniaagaangata innersuunneqartarput inimiiffigisassaani sulisut isumaqatigiinninniarfigissagaat qaqugukkut pulaarunneqassanersaq aqqiissuuteqarfigalugu.

Taamatullu aamma illup iluani Meeraaqqerivittaaniit Meeqqerivittaanut nuuttarput 2½-3 nik ukioqalereersimasut, Nuuttussaqaartillugu angajoqqaajusut ilisimatinneqartarput, pulaarunneqartarnissaallu angajoqqaajusut isumagisarpaat, illu iluani nuuttussat allaffeqarfitsinnut nalunaarutigisarpagut.

- *Ullut napparsimanerit*



Meeraq napparsimappat suna napparsimassutigineraata nalunaarutiginnissaa pingaaruteqarpoq, tuniluuttumik napparsimasoqalernerani paasissutissanik nivinngaasarata angajoqqaat allat eqqarsaatigalugit.

Meeqqat inuusuttullu akornanni nappaatit tuniluuttut /Ulluunerani paaqqinnittarfinni, atuarfinni assigisaannilu pitsaaliunermut ilitsersuutit Nunatta nakorsaaneqarfianeersut naqitat malippagut

- *Atisassamaatit allallu nammineq pigisat*

Atisassamaatit angajoqqaat isumagisarpaat

Silamut naleqquttunik atisaqartarnissaat kissaatiginartarpoq aammalu atisassamaatissaanik sillimateqartuarnissaa pisariaqartarpoq.

Atisaat kinguneruteqannginnissaat kaammatuutaavoq taamatullu

tipigissaateqannginnissaat, tassani eqqarsaatigineqarpoq taakkua sapigalinnik nujuussorneqaraangamik inuummarliuutaalertarmata taamaattumik taakkuninnga akulinnik peqartoqartillugu atisaat taarserneqartariaqartarput, angajoqqaajusullu ilisimatinneqarlutik.

- *iPad*

inini tamani sulisut atorsinnaasaannik IPAD-inik peqarpoq.

Paasissutissanut assiginnigitsunut ilikkartitsiniutinut IPAD meeqqanut atortinneqartarput, killilimik.

- *Paasissutissat allat pingaarutillit*

Meeqqap meeraateqarfimmi allartinnerani angajoqqaajusunut tunniunneqartartoq naqitaq:

TIKILLUARIT Maniitsumi eqqaanilu meeqqerivit taassuma iluanittut

takuneqarsinnaapput paasissutissat assiginnigitsut taakkusaniatigut pulaarussinissamik paasissutissanik siunnersuutinik tunineqartarput.



2. Ukiumoortumik pilersaarutaanikup nalilersorneqarnera

Ukiumut kingullermut eqikkaaneq, uku siunertaralugit:

- *Suliniutit*

Inikkaarlutik pilersaarusiatic amerlanerit piviusunngorput.

- *Meeqqat ineriartornerat*

Meeqqap ineriartornerani timikkut tarnikkullu malittarinninnerit pippu, paasinarsivorli sulii annertunerusumik itinerusumillu angajoqqaat naapinnerini suliaqartarnissaq, meeqqap killiffia aallaavigalugu.

- *Iluatsinnikut, ilinniartitsinerit misilittakkallu*

Ilinniartitsinerimut tunngatillugu sammisaqarnermi meeqqap killiffia aallaavigalugu ingerlatsisoqartarpoq.

- *Sammisasaqartitsineq*

Sammisasaqartitsineq meeqqat timikkut tarnikkullu killiffiat aallaavigalugu pilersaarusiatic qartarput, paasinarsivorli sulii annertunerusumik aallunneqartariaqartut

- *Allat*

2.1 Meeqqat

Ukiumut kingullermut eqikkaaneq, uku siunertaralugit:

- *Uttuutinut systemi*

Meeqqanik malittarinninnerimut uttuut (Barometer) atortarparput, taakku qalipaateqarput Qorsuk-Sungaartoq-Aappalaartoq

Qorsoq 1: Meeraq nalinginnaasumik ingerlasoq.

Qorsoq 2: Meeraq arlaatigut misigissutsikkut oqimaarsartinneqalersoq (oqilisaattariaqartoq) tassaniittoqartillugu tunuliaqutaasoq angajoqqaajusullu nassaariarneqartarpoq, sulierisissamillu pilersaarusiatic qatigiittoqartarluni.

Meeqqamik malittarinnilluni suliniuteqarnerit annertusiartorput sulisut pikkorissartarneranni sakkussanik pissarsiaqartarnikkut, ukioq manna pikkorissarnerit assut malunartumik sunniuteqarluarput soorlu:

Meeqqat atugaanik uttuutip (Iluliaq) p imarisaassa paasillu aleriartorneranni meeqqap isernerminiilli sukku ernumanarnera takuneqarluarnerulerami taamaalillunilu angajoqqaanik suleqateqarnerit annertunerulerlutik.

- *Takkuttarnerit kisitsisinnngorlugit*

Ullaakkut meeqqat takkuttut nalunaarsorneqartarput (Fremmødestatistisk) taakku qaamatit tamaasa allaffeqarfitsinnut nalunaarutigineqartarput, 2021-vimi takkuttut ukiumut Agguaqatigiissillugu katinneri 70,8%-it-upput.

- *Allat*



2.2 Angajoqqaat/pisortat

Ukiumut kingullermut eqikkaaneq, uku siunertaralugit:

- *Siornatigut atuisunik ataatsimoortitsinerit (sammissat aalajangiinerillu)*

Meeqqaap killiaffia aallaavigalugu ukioq affakkaarlugu angajoqqaajusut oqaloqatigineqartarput, pisariaqalissappalli qaammatikkaartunik naapittarnerit sukumiinerusumik imaqatalernissaat suliniutigivarput.

Inikkaarlutik ukiumut marluariarlutik angajoqaanik ataatsimiisitsisarput taamatullu nereqatiginnerit ingerlanneqartarlutik nereqatigiinnermi angajoqqaat nerisassanik nassartarput, Illumiillu sassaalliutigineqartarlutik nerinnermi atortut kaffe the imerlu. Inini sulisut angajoqqaallu ataatsimeeqatiginnerminni ukiumut pilersaarutit aaqqissortarpaat.

Atuisunik ataatsimeeqatigiittarnerit illu tamaat ukiumut marluariarlutik pisarput upernaakkut ukiakkullu tassani qulequttat assigiinngittarput, ilaanni meeqqap peroriartorneranut tunngasut ilaannilu meeqqerivimmi ingerlanneqartartut angajoqqaanut nassuiaatigineqartarlutik, ataatsimiinnermi periuseq atorineqartarpoq qulequtarineqartoq aallaavigalugu angajoqqaat gruppe-ngorlutik oqallisigisarpaat kingorna sulisunut anngusisoqartarpoq gruppe-rnerminni aqutsisulertarput allatseqartarlutillu sapinngisamik grupper-neq inunnik amerlanngitsunik inuttaqartinniarneqartarpoq peqataasut tamarmik oqaaseqarsinnaanissat anguniarneqartarami.

Atuisunik ataatsimiisitsineri illumi aqutsisoq peqataasarpog, meeraq pillugu angajoqqaanik oqaloqateqartortillugu pisariaqartitsineq naapertorlugu illumi pisortaasog peqataasarpog.

- *Allat*

2.3 Sulisut

Ukiumut kingullermut eqikkaaneq, uku siunertaralugit:

- *Siornatigut ataatsimoortitsinerit (sammissat aalajangiinerillu)*

Sulisut Pilersarusiornitsinni suulluunniit sulisut ataatsimiinnitsinni oqallisigisarpagut pilersarusiortarlugillu.

- *Allat*
- *Ukioq manna perorsaasussarsiorneq ajornarluinnarpoq, nittartakkakut saqqummiisaraluarluta qinnuteqartutuannnguit qinnuteqaatertik tunuartinnikuaat.*

3. Ukiumut nutaamut pilersaarutit

3.1 Meeqqanut ileqqunik sammisassanillu ukiumut pilersaarut

Uani takuneqarsinnaapput ini Qilalukkani 3-5 ukiullit Sulisut angajoqqaallu ukiumut pilersaarusi

Januar	Februar	Marts	April	Maj	Juni
-Mittarfik -Meteq.	Sisorarfissiorneq/ -Sisoqqattarneq. -Toqusoortarneq	-Niviugak. -Påske	-Salloqitaavik. -Puisi	-Manniit. -Anaanat ulluat -Meeqqat ulluat	-Ataatat ulluat -Silami saliineq. -Ammassak

Juli	August	September	Oktober	November	December
-Eqaluk -Arpaqatigiinneq	Tuttu Umimmak.	-Kapisilik. -Paarnat.	-Ukaleq. Terianniaq	-Upperisaq -Appa.	-Qilalugaq -Aqisseq



4. Ukiumut nutaamut pilersaarutit

Uani takuneqarsinnaapput ini Pakkalukkat 0-3 Sulisut angajoqqaallu ukiumut pilersaarusi

Januar	Februar	Marts	April	Maj	Juni
Meeqqap kinaassusaa	Qilaatip atornissaa	Erinarsuutit aalaatitallit	Qaratsamik eqqarsarneq, eqqaamannissinnaanermut sammisaqarneq	Kiinnap pisataanik sammisaqarneq	Meeqqat ulluat. Timi aalatillugu

Juli	August	September	Oktober	November	December
Pussugissarneq	Arsamik atuisinnaanissamut sungiusarneq	Naasunik katersineq	Nunatta uumasuinik sammisaqarneq	Atisalersornermik sungiusarneq -Aput sammillugu	Juullip isumaa

Uani takuneqarsinnaapput ini Niviukkat 0-3 ukiullit Sulisut angajoqqaallu ukiumut pilersarusiat

Januar	Februar	Marts	April	Maj	Juni
Kunngit pingasut isumaa <i>Uani ilaatigut ukua takussutissiarineqassapput:</i> <ul style="list-style-type: none"> ▪ Sammisassaqaartitsineq ▪ Ileqqut ▪ Immikkut sammisaqarluni piffissat ▪ Ullut nalliuttut nalliuttorsiornerillu <i>Allat</i>	Namineq kinaassuseq, ilaquuttat sammillugit	Aput sammillugu	Påske sammillugu	Maj peqqissuutigut, timersorneq	Meeqqat ulluat sammillugu

Juli	August	September	Oktober	November	December
Sissamut sanalugassanik katersineq	Tuttu sammillugu	Uumasut atiinik sammisaqarneq	Appa sammillugu	Juullimut erinarsuutininik sungiusarneq	Juullimut ulloriaq sammillugu

Aalajangersimasumik pisartut

Sapaatip akunneranut pisartut	Qaammammut pisartut	Qaammatit pingasukkaarlugit pisartut
Tallimangornikkut Illu tamarmi ammasarpoq	Periutsit ilikkalertorfiusut Tunngaviit 7-t. (T-5) O-I oqaloqatigiinnikkut ilitsersuut	Illu tamakkerlugu meeqqallu arpaqatigiinneq. Auserineq sisooqattaarneq

4.1 Angajoqqaanik suleqateqarneq

- *Meeqqueriviup angajoqqaanik suleqateqarneq qanoq naatsorsuuteqarfigivaa?*
- *Meeqqueriviup angajoqqaallu attaveqatigiinniarnertat qanoq ingerlava?*

Angajoqqaanik suleqateqarneq pitsaasumik naatseruuteqarfigivarput Ulluinnarni angajoqqaat eqqussinerini aallernerinilu attaveqatigiinneq ingerlasarpoq, pisariaqassappallu oqarasuaatikkut attaveqatigiinneq ingerlanneqarsinnaasarluni.

Ataatsimiinnerit oqaloqatigiinnerillu (Akulikissuseq imarisaalu)

Meeraq ukiumut marlorialugu timikkut tarnikkullu ineriartarnerata Killiffia aallaavigalugu killiffissiorneqartarpoq inimi sulisut, angajoqqaajusullu peqatigilugit (Meeqqamut akisussaasusut) pisariaqassappaalli qaammatikkaartumik naapittarneq pisarluni.

Meeqaap killiffissiornerani sakkut ator neqartartut ukuupput:

Meeqqap mappa.

Meeqqap ineriartornerani killiffissiuutit (Pædagogisk udviklingsbeskrivelse 0-6 år).

Meeqqap ineriartornermini inissisimaffianut misissuut MIIM 3.

Pisariaqassappallu meeqqap ineriartornerani 2-miit 6-inut ukiulinnut (Rabu).

Aammalu (Tras) ulluinnarni inooqataanermi oqaatsitigut ineriartornerup piaartumik nalunaarsornera.

Isumaalunnermut uuttuut Qorsuk-Sungaartoq-Aappalaartoq.

- *Angajoqqaanut sammisassaqaartitsineq*

Inikkaarlutik: Angajoqqaat sulisut meeqqallau ukiumut ataasiarlutik nereqatigiittarput taanna ukiakkut pisarluni.

- *Suleqatigiinneq qanoq nukittorsassava?*

Angajoqqaanik suleqateqarluarnissamik sulissuteqartuarnerput nukittorsartuassavarput.

- *Allat*

4.2 Sulisut suleqatigiinnerat

- *Sulisut ataatsimiittarnerat (akulikissuseq imarisaalu)*

Sulinerup nalaani ataatsimiittarnerit:

Ullaat tamasa morgenmøde 9:15-9:40 tungaanut ingerlaneqartarpoq.

Unnukkut ataatsimiittarfiit:

Qaamatit tamaasa pingasunngorneq siullermi sulisut tamattaalluta ataatsimiittarpugut eqqartorneqartarlutik illumi ingerlatsineq pilersaarusionerq qaammatillu tulliani perorsaanelerineq, taamatut imarisai tulleriarlugit ingeranneqartarput.

Inini sulisut (Stuemøde) ataatsimiinneq sivilissuseqartarpoq 2 time.

Qaamatit allortarlugit maani illoqarfimmi meeqqeriveqatigiit sulisui tamarmik peqatigiillutik ataatsimiittarput imatut taaguuserlugit Børnehavemøde-mi meeqqerivinni sulisut tamarmik, vuggestuemøde sulisut tamarmik, ataatsimiiffigineqartarput meeqqeriviit tuliutut aqutsisuusarlutik

Sulisunut sammisassaqaartitsineq

Ineriartorneq pikkorissarnerillu



Pikkorissarnissamut neqerooruteqartillugu apeqqutaasarpoq suna neqeroorutigineqarnersoq sulisut sapinngisamik ulluinnarni sulinerminni sakkugisinnaasaannik takkuttoqartillugu peqataatitsisarpugut. Ukioq manna illoqarfitsinni meeqqerivinni/Meeraaqqerivinni sulisut ataatsimoorlutik pikkorissartinneqarput arfinnginngorneq sapaallu atorlugit tassanilu aqqissuisuulutik ILA-mi sulisut, pikkorissarnerlu iluatsilluarpoq, sulisut sakkussamminnik pissarsilluarneri malunnaramik.

- *Suleqatigiinneq qanoq nukittorsassava?*

Sulisut suleqatigiilluarnissaat anguniagaraarput, arlaatigut akunnattoorutinik saqqummersoqartillugu ataatsimiinnitsinni eqqartortuarnissaa najummissavarput.

- *Allat*

4.3 Ukiuni aggersuni suliniuteqarfissat

Soorlu ukua eqqarsaatigalugit:

- *Meeqqanik ineriartortitsineq*

Meeqqap ineriartornerani ilikkagassaq tulinnguuttoq aallavigalugu ingerlariaaseq najummissavarput.

Meeqqat atugaanik uuttuutip (Iluliaq)p aammalu Barometer imarisaassa paasilluaneqarnissaat, meeqqap isernerminiilli sukut ernumanarnera takuneqarluarnerulernissaa suliniuteqarfigissavarput ,taamaalillunilu angajoqqaanik suleqateqarnerit annertunerulersillugit.

- *Perorsaanikkut sakkussat*

T1-7 Lev s.Vygotsky-meersut.

Maslows behovspyramide Abraham Maslow-meersut.

De mange intelligenser Howard Gardner-meersut.

Taamaalilluta anguniakkat paatsuunganangitsumik toqqammaveqartumillu meeqqat toqqissisimallutik, piffissaqarfigineqarlutik, meeqqat imminnut tatiginninnerat nammineersinnanerallu nukittorsarnerat ingerlassinnaanngorlugu, aammalu atuakkanik atorniartarfimmut sakkusaanik atorniartoqartarpoq taamatullu google-mi misissuisoqartarluni ingerlatissavarput.

- *Immikkut sammisassaqartitsinerit sammisallu*

Angajoqqaat sulisullu peqatigiillutik sammisaqartitsinissamik pilersaarusoqatigiittarnerat ingerlannassaaq.

- *Suleqatigiinnerit*

Sunik tamanik suleqatigiilluarnissamik anguniagaqartuarnissaaq ingerlatiinnassavarput.

- *Sulisunik pikkorissaanerit ineriartortitseqinnerillu*

Sulisut pisariaqartitaminnik (Sakkussamminnik) pikkorissartuarnissaat taamatullu sulisut ineriartortuarnissaat ingerlatissavarput.

- *Meeqqerivimmi atortulersuutit*

Atortuutigit meeqqanut sulisunullu nalequttunik peqartuarnissaaq aallaavigalugu ingerlatsissaavut.

- *Allat*